

光緒山西通志

文學錄上

錄八之一

山西通志第一百五十四

賜進士出身頭品頂戴兵部侍郎兼都察院右副都御史巡撫山西提督軍務張煦奉旨監修

儒林文苑古不分界經傳燦著無非文也太史公敘述六藝
列傳儒林班掾因之而專門諸家並志藝文東京以降詞章
盛興歷史遂歧爲兩途或曰儒林文學或曰儒學文藝惟金
元稍持異同與宋之別立道學特一代風氣所尊尙耳夫蓄
道德而工文章者恆代不數人而旣名爲一家無論或傳或
不傳必自附於立言之列究亦儒術所兼賅也三晉著述自
昔爲盛散佚之餘所存無幾猶或姓名未湮作者相繼知人
論世藉以有徵傳志於人物後首標文苑凡箋疏之學詩賦
諸家但涉著作多歸甄錄蓋爲數宏博而取義猶爲近古矣

今仍其例統曰文學若其書已見於經籍各部其他行事不具則從略云

歷代

漢至唐

良變字惟和上黨人安帝時以通經爲博士

潞安府

姚平河東人受京房易爲即博士京氏易學遂顯

潞州

右漢二人

杜摯字德魯河東人文章敘錄曰初上笏賦署司徒軍謀吏後舉孝廉除郎中令轉補校書摯與母邱儉鄉里相親故爲書與敘求仙人藥一丸欲以感切儉求助也後竟不得遷卒於祕書者文賦傳於世

解州

右魏一人

郭琦字公偉太原晉陽人少方直有雅量博學善五行作天

文志五行傳注穀梁京氏易百卷鄉人王游等皆就琦學武帝欲以琦爲佐著作郎問琦族人尙書郭彰彰素疾琦答云不識上曰若如卿言烏丸家兒能事卿卽堪爲耶矣遂決意用之後趙王倫欲用琦琦曰我已爲武帝吏不容復爲今世吏終身處於家

王衛邠人高祖殷漢雲中太守以春秋周易訓鄉里爲子孫資奇著春秋義統公府辟不就孫寓遭永嘉之難遂東遷孫康盛曾孫少貧常映雪讀書禔躬清介交游不雜起部郎官至御史大夫

郝隆字佐治太原人少博學無書不讀七月七日見富室曝衣乃向日中仰臥人問其故曰我晒腹中書耳累世同居詔復其家住南蠻府參軍

以上太原府

賈弼之平陽襄陵人廣集百氏譜記專心習業晉太康中給
令史書撰定繕寫藏祕閣及左右曹弼之仕至員外郎子匪
之驃騎參軍家傳譜學

平陽府

孫楚字子荆太原中都人祖資魏驃騎將軍父宏南陽太守
楚才藻卓絕爽邁不羣年四十餘始參鎮東軍事後遷佐著
作郎復參石苞驃騎軍事負其才氣頗侮易苞初至長揖曰
天子命我參卿軍事嫌隙遂搆又與鄉人郭奕忿爭遂溷廢
積年征西將軍扶風王駿起爲參軍轉梁令遷衛將軍司馬
時龍見武庫井中羣臣將上賀楚言堯庫之士或有隱伏廚
役之賢沒於行伍故龍見光景有所感悟願赦小過起淹滯
申命公卿舉獨行君子及亮拔秀異之才無繫世族必先選
賤惠帝初爲馮翊太守太康三年卒初楚與同郡王濟友善

儕爲本州大中正訪問銓邑人品狀至楚濟曰此人非卿所能目吾自爲之乃狀楚曰天才英博苑拔不羣楚少欲隱居謂濟曰常欲枕石漱流談云漱石枕流濟曰流非可枕石非可漱楚曰所以枕流欲洗其耳所以漱石欲厲其齒楚除婦服作詩示濟濟曰未知文生於情情生於文覽之悽然增伉儷之重三子衆洵纂纂子統綽

孫統字承公幼過江誕任不羈善屬文時人以爲有楚風征北將軍褚裒聞其名命爲參軍辭不就家會稽性好山水乃求爲鄞令轉任吳甯居職不留心碎務名山勝川靡不窮究後爲餘姚令卒子騰嗣以博學稱位至廷尉騰弟登少善名理注老子行於世仕至尙書郎早卒

孫綽字興公纂子博學善屬文少與高陽許詢俱有高尙之

志居會稽游放山水作遂初賦以致其意沙門支遁嘗問綽君何如許答曰高情遠致弟子早已服膺然一詠一吟許將北而矣絕重張衡左思賦每云三都二京五經之鼓吹也嘗作天台山賦辭致甚工初成以示友人范雲期云卿試擲地當作金石聲雲期每至佳句亦輒云應是我輩語除著作佐郎龔長樂侯綽性通率好譏調嘗與習鑿齒共行綽在前顧曰沙之汰之瓦石在後鑿齒曰簸之颺之穰秕在前征西將軍庾亮請爲參軍補章安令徵拜太學博士遷尙書郎又爲揚州刺史轉永嘉太守遷散騎常侍領著作耶時大司馬桓溫將移都洛陽人情疑懼莫敢先諫上表論之桓溫不悅曰致意與公何不尋君遂初賦而強知人國家事邪尋轉廷尉卿領著作綽少以文才冠於時溫王郗庾諸賢卒必須綽爲

裨文然後刊石焉年五十有八卒子嗣有綽風文章相亞嘗

侍統綽賦蘭亭集詩位至中軍參軍早卒

以上州府

趙至字景真代郡人寓居洛陽緱氏令初到官至年十三與母同觀母曰汝先世本非微賤世亂流離遂爲士伍爾後能如此不至感母言請師受業聞父耕叱牛聲投書而泣師怪問之至曰我小未能榮養使老父不免勤苦師甚異之年十四詣洛陽游太學過嵇康於學寫石經徘徊視之不能去請問姓名康曰年少何以問曰觀君風器非常所以問耳康異而告之後乃亡到山陽求康不得而還又將遠學母禁之年十六游鄴復與康遇隨康還山陽改名浚字允元康每曰卿頭小而銳童子黑白分明有白起之風矣及康卒至詣魏興太守張嗣宗優遇之隨嗣宗到潁川欲因入吳而嗣宗卒乃

占戶遼西初至友康兄子蕃及將遠適乃與蕃書敘離并陳其志至身長七尺四寸論議精辯有縱橫才氣遼西舉郡計吏到洛與父遇時母已亡父欲令其宦立弗之告仍戒以不歸至還遼西幽州三辟部從事斷九獄見稱精審太康中以良吏赴洛方知母亡初至自恥士伍欲以宦學立名期於榮養而志不克就慟哭嘔血卒年三十七

魯勝字叔時代郡人少有才藻爲佐著作郎元康初遷建康令到官著正天論云以冬至之後立晷測影準度日月星臣按日月裁徑百里無千里星十里不百里遂表上求下羣公卿士考論若臣言合理當得改先代之失而正天地之紀如無據驗甘卽刑戮以彰虛妄之罪不報嘗歲日望氣使稱疾去官中書令張華遣子勸其更仕再徵博士舉中書郎皆不

就其著述爲世所稱遭亂遺失惟注墨辯存其序

以上大同府

衛恆字巨山河東安邑人少辟司空齊王府善草隸書爲四
體書勢論書尤精嚴父瓘爲楚王瑋所構聞變以何劭嫂之
父也從牆孔中詰劭問劭知而不告還經廚下收人正食因
是害後贈長水校尉謚蘭陵眞世子恆嘗考正汲冢書未訖
遭難二子瓌玠玠字叔寶年五歲風神秀異祖瓘曰此兒有
異於衆顧吾年老不見其長成耳總角時乘羊車入市見者
皆以爲玉人觀者傾都舅驃騎將軍王濟儁爽有風姿每見
玠輒嘆曰珠玉在側覺我形穢又曰與玠同遊炯若明珠之
在側朗然照人及長好言元理後多病體羸母恆禁其語遇
有勝日親友時請一言無不咨嗟以爲入微瑯琊王澄有高
名少所推服每聞玠言輒嘆息絕倒故時人語曰衛玠談道

平子絕倒澄及王元王濟並有盛名皆出玠下世云王家三子不如衛家一兒玠妻父樂廣議者以爲婦公冰清女壻玉潤辟命屢至皆不就久之爲太傅西閣祭酒拜太子洗馬璆爲散騎侍郎內侍懷帝玠欲移家南行母曰我不能舍仲寶去也玠啟諭深至爲門戶大計母泣從之臨別玠謂兄曰在三之義人之所重今可謂致身之日兄其勉之乃扶母登輿轉至江夏玠妻先亡征南將軍山簡見之甚相欽重以女妻焉遂進豫章時大將軍王敦鎮其地長史謝鯤先雅重玠相見欣然言論彌日敦謂鯤曰昔王輔嗣吐金聲於中朝此子復玉振於江表微言之緒絕而復續不意永嘉之末復聞正始之音何平叔若在當復絕倒玠嘗以人有不及可以情恕非意相干可以理遣故終身不見喜愠之容以王敦好居物

上求向建鄴京師人士聞其姿容觀者如堵玠勞疾遂甚永
嘉六年卒年二十七時人謂玠被看殺葬南昌謝鯤哭之慟
人問之答曰棟梁折矣不覺哀耳咸和中改塋江甯丞相王
導教曰衛洗馬明當改葬此君風流名士海內所瞻可修薄
祭以敦舊好後劉惔謝尚共論中朝人士或問杜乂可方衛
洗馬不尙曰安得相比其間可容數人惔又云杜乂膚清叔
寶神清其爲有識所重若此時中興名士唯王承及玠爲當
時第一云

州解

裴遐河東聞喜人父綽官黃門侍郎遐善言元理音辭清暢
冷然若琴瑟嘗與河南郭象談論一坐嗟服又嘗在平東將
軍周馥坐與人圍棋馥司馬行酒遐未卽飲司馬曳遐墮地
遐徐起還坐顏色不變復棋如故其性虛和如此東海王越

引爲主簿後爲越子毗所害

州

右晉十二人

又五人
附見

閔湛太原人爲著作令史崔浩薦有著作之才拜中書博士

後與浩同被難

太原府

王聰屯留人華陰徐遵明詣山東求學至上黨乃師聰受尚

書毛詩禮記一歲辭去

潞安府

陸暉字道暉代人凱子與弟恭之並有時譽洛陽令賈珍歎曰僕以年老更覩雙壁又嘗兄弟共候黃門郎孫惠蔚惠蔚謂諸賓曰不意二陸復在坐隅吾德謝張公無以延譽暉位尚書右民三公郎坐事免後除伏波將軍卒贈冠軍將軍恆州刺史暉擬急就篇爲悟蒙章及七誘十醉章表數十篇子元規位尚書郎元規子撥陰陽律歷多所通解位并州長史

參軍

陸恭之字季順，弟有操，尚位東荊州刺史，贈吏部尚書，謚懿。懿著文章詩賦凡千餘篇。子暘，字仁崇，篤志文學，齊律序乃其詞也。位終通直散騎常侍。寬，字仁惠，太子中舍人，詔文林館寬兄弟並有才器，議者稱爲三虎。

陸旭，侯曾孫，祖歸位東宮舍人，駕部校尉。父珍，夏州刺史，贈太僕卿。旭性淡雅，好易緯，候之學撰五星要訣及兩儀真圖。太和中徵拜中書博士，遷散騎常侍，後隱於太行山，屢徵不起。卒，贈并汾恆肆四州刺史，子騰。

穆容，代人，崇裔。孫士儒，子武定中汲郡太守。少好學，無所不覽，求天下書，逢卽寫錄，所得萬餘卷。魏末爲兼通直散騎常侍，聘梁齊，初卒於司農卿。以上大同府

李紹伯安邑人敦煌宋稚嘗師事之受諸經傳

州解

王虬殷之後宋昇明二年始北事魏家河汾太和中嘗累薦
王肅出爲并州刺史文中子晉陽穆公之述曰政大論八篇
其言帝王之道著矣子彥爲同州刺史文中子同州府君之
述曰政小論八篇其言王霸之業盡矣又曰內難而能正其
志同州府君以之彥子一爲濟州刺史文中子安康獻公之
述曰皇極諫議九篇其言三才之去就深矣又曰禮樂之作
獻公之志也

裴叔義河東聞喜人仲規弟有學行累遷太山太守爲政清
靜吏人安之遷司徒從事中郎卒贈東秦州刺史謚曰宣子
景融字孔明篤學好屬文舉秀才射策高第除太學博士稍
遷諫議大夫領著作元象中儀同高岳以爲錄事參軍弟景

龍景顏被劾坐免卒景融卑退廉謹緝綴無倦所作文章別有集錄景顏孝靜初爲司空長史中尉崔暹劾之卒於獄
裴景鸞河東聞喜人父宣明位華州刺史有惠政諡簡景鸞
與弟景鴻並有逸才河東呼景鸞爲驥子景鴻爲龍文景鸞
位華州刺史

裴伯茂河東人仲規嗣子少有風望學涉羣書文藻富贍釋
褐奉朝請大將軍京兆王繼西討引爲鏡曹參軍以平薛鳳
賢等封平陽伯永熙中爲廣平王贊文學後加中軍大將軍
伯茂好飲酒頗疎傲曾爲豁情賦天平初還鄴又爲還都賦
二年内宴侮殿中尙書章成王景哲啟伯茂以梨擊案禁庭
內令人挈衣後竟無坐卒年三十九殯於家園友人常景李
渾王元景盧元明魏季景李騫等十許人於墓傍置酒設祭

飲醇涕泣各賦詩一篇李騫寄以示魏收收時在晉陽作論
敘伯茂其十字云臨風想元度對酒思公榮時人以爲得事
實贈散騎常侍衛將軍度支尚書雍州刺史重贈吏部尚書
諡曰文伯茂撰晉書竟未能成嗣子孝才武平末位中書舍
人以上絳州

右後魏十人

又八人附見

王修太原人風儀蘊藉天保中尚書北海王所以雅談獲罪
諸弟尙守而不墜自茲以後此道頓微修與范陽盧昌衡順
邱李若彭劉泰珉河南陸彥師隴西辛德源並爲後進風流
之士太原府

樊遜字孝謙河東猗氏人衡之子也少好學其仲兄以造匱
爲業常優饒之旣而遜自責曰爲人弟獨愛安遜可乎欲同

勤事業母馮氏曰汝欲謹小行邪遜感母言遂專心典籍恆
書壁作見賢思齊四字以自勸遜貌陋有才氣寓鄴爲臨漳
小吏縣令裴鑿莅官清苦致白雀遜上清德頌十首鑿大加
賞重擢主簿仍薦之於右僕射崔暹爲遜賓客人有譏其靜
默者遜常服東方朔之言陸沈世俗避世金馬遂借陸沈公
子爲主人擬客難製客誨以自廣後崔暹大會客大司馬襄
城王旭在坐欲命府僚進指遜曰此人學富才高兼之佳行
可爲玉參軍也旭目之曰豈能就耶遜曰家無蔭第不敢當
此後徙居陳留梁州刺史劉殺鬼以遜兼錄事參軍仍舉秀
才兼別駕王聰抗辭薦之以下州例還齊天保元年秦州復
召舉秀才三年春對策至四年不報梁州重舉秀才五年正
月制詰問焉尙書擢第以遜爲常時第一十二月大行臺清

河王岳率衆南伐以遜從軍明年顯祖納梁貞陽侯蕭明爲
梁王岳假遜大行臺郎中使於江南與蕭修侯瑱和解遜往
還五日得修等報書岳因與修盟於江上都官尙書崔昂薦
遜詔付尙書考爲清平勳幹送吏部七年詔令校定羣書供
皇太子遜等十一人召共刊定時祕府書籍批繆者多遜乃
議曰按漢中壘校尉劉向受詔校書每一書竟表上輒言臣
向書長水校尉臣參書太常博士書中外書合若干本以相
比校然後殺青今所讎校供擬極重出自蘭臺御諸甲館向
之故事見存府閣卽欲刊定必藉衆本太常卿邢子才太子
少傅魏收吏部尙書辛術司農少卿穆子容前黃門郎司馬
子瑞故國子祭酒李業興並是多書之家請牒借本參校祕
書監尉瑾移尙書都坐凡所得別本三千餘卷五經諸史殆

無遺闕時魏收作庫狄干碑序令遷爲銘陸卬不知以爲收
合作也陸操伏渾卒楊愔使遷代已作書以告晉陽朝士令
魏潤色之收不能改一字八年更定選員不過三百楊愔曰
後生清俊莫過盧思道文章成就莫過樊孝謙儿案斷割莫
過崔成之遂以遷爲員外將軍辭曰門族寒陋訪第必不成
乞補員外司馬監督愔曰才高不依常例特奏用之河清初
爲王書參典詔策天統元年加員外郎卒

蒲州府

右北齊二人

薛真河東汾陰人祖遵顏魏河東郡守安邑侯父父清河廣
平二郡守真幼覽籍籍好屬文起家奉朝請從孝武西遷封
邵陽縣子廢帝元年領著作佐郎修國史尋拜中書侍郎修
起居注遷中書令于謹征西陵爲司錄軍中謀略並參之江

陵平進爵伯朝廷欲行周禮與小宗伯盧辯詳定之六官建授內史下大夫周初進爵侯轉御正中大夫與前中書監盧柔方駕世號虛薛出爲浙州刺史卒於位贈虞州刺史諡曰理著文筆三十餘卷西京記三卷引據該洽世稱其博聞寔情至孝雖齒衰務繁溫晴朝夕無違子明嗣大象末儀同大將軍清水郡守

薛慎河東汾陰人湖孫善之弟也字伯護好學能屬文善草書與同郡裴叔逸裴諏之柳虬范陽盧柔隴西李璨友善起家丞相府墨曹參軍周文於行臺省置學取丞郎及府佐德行明敏者充生又於諸生中簡德行淳懿者侍讀書慎與同郡裴舉薛同等十二人並應其選又以慎爲學師知諸生課業又命慎等十二人兼學佛義在學數年爲宜都公侍讀累

遷禮部郎中六官建拜膳部下大夫與兄工部大夫善並居
清顯時人榮之周初封淮南縣子保定初出爲湖州刺史集
羣蠻豪帥具宣朝旨仍令首領每月一參殷勤勸誠及賜酒
食請善相謂曰今日始知刺史眞父母也襁負而至者千餘
戶蠻俗婚娶後與父母卽別居慎親自誘導示以孝慈并遣
守令諭旨部有數戶蠻別居數年遂遷侍養詔蠲其賦役風
化力行尋爲善部中大夫以疾去職卒有文集

柳公字匡道河東解人少聰穎工草隸博涉羣書辭采雅贍
與兄楊素爲莫逆交解中中外府記室建德初除內史上
士居小宮尹御正上士陳遣王偃人來聘令宏勞之偃人至
蓋曰德水暴長所齎國信皆溺假從吏物進之宏曰昔箴于
鼎空籠前史稱美足下假物而進詎是陳君命乎偃人慚不

能對武帝嘉之盡以所進物賜宏仍令報聘占對敏捷見稱於時後卒於御正下大夫贈晉州刺史楊素誄曰山陽王弼風流長逝潁州荀粲零落無時修竹夾池永絕梁園之賦長楊映沼無復洛川之文其爲士友痛惜如此有文集行世州漢字仲霄河東聞喜人質弟操尚宏雅聰敏好學嘗見人作百字詩一覽便誦魏孝武初解褐員外散騎侍郎大統五年除大丞相府士曹行參軍轉墨曹漢善尺牘尤便簿領理識明贍斷割如流相府語曰日下燦爛有裴漢武成中爲司車路下大夫參議格令有條理天和五年加車騎大將軍儀同三司晉公護擅權漢直道自守八年不徙雅好賓游每良時美景必招引時彥宴賞留連間以篇什自寬後遂斷絕游從不聽琴瑟歲時哀慟而撫養兄弟子情甚篤至借人異

書心躬自錄本疾疾未嘗釋卷卒贈晉州刺史子鏡民少聰敏涉獵經史爲大將軍譚公會記室參軍累遷春官府都上士仕隋位兵曹郎漢弟尼字景尼性宏雅有器局位御正下大夫卒贈隨州刺史子之隱趙王招府記室參軍之隱弟師民好學有識度起家秦王贊府記室參軍仍兼侍讀

絳州

右北周四人

郭澄之字仲謙太原陽曲人少有才思機敏兼人調補尚書郎出爲南康相朱武帝引爲相國參軍從北伐克長安武帝更欲西伐集寮屬議多不同次問澄之澄之不答西向誦王粲詩曰南登霸陵岸回首望長安武帝意遂定曰當與卿共登霸陵岸耳因遷澄之後仕武帝位至相國從事中郎封南豐侯卒於官所著文集行於世

裴松之字世期河東聞喜人祖暉光祿大夫父珪正員外郎松之博覽墳籍立身簡素年二十拜殿中將軍義熙初爲故鄆令在縣有績入爲尚書祠部郎表陳諸欲立碑者宜悉令言上爲朝議所許然後聽之庶可防遏無徵顯彰茂實由是竝斷宋武帝領司州刺史爲州主簿轉治中從事宋國初建武帝敕毛德祖曰裴松之廊廟之才不宜久居邊務今召爲太子洗馬與殷景仁同可令知之時議立五廟樂松之言妃臧氏廟宜與四廟同除零陵內史徵爲國子博士元嘉三年兼散騎常侍使湘州甚得奉使之義論者美之轉中書侍郎上使注陳壽三國志松之鳩集傳記廣增異聞旣成奏之上覽之曰裴世期爲不朽矣出爲永嘉太守勤恤百姓吏人便之後爲南琅邪太守致仕拜中散大夫尋爲國子博士進太

中大夫使續成何承天國史未及撰述卒著文論及晉記並行於世

裴駟松之子南中郎參軍注司馬遷史記行於世

以上絳州

右南朝宋三人

賈淵字希鏡平陽襄陵人弱之孫宋孝武時青州人發古墓銘云青州世子東海女郎上同學士鮑照徐爰蘇寶生並不能悉淵對曰此司馬越女嫁荀晞兒檢訪果然由是見遇敕注郭子昇明中齊高帝取爲驃騎參軍竟陵王子良使撰見客譜出爲句容令淵三世傳譜學凡十八州士族譜合百帙七百餘卷該究精悉皆如貫珠當時莫比承明中衛軍王儉鈔次百家譜與淵參懷撰定建武初遷長水校尉儉人王泰寶買裴琅邪譜坐被收子棲長謝罪稍類流血獲免後爲北

中郎參軍卒撰氏族嬰狀及人名書並行於時

平陽府

裴昭明瑯子少傳儒史之業宋泰始爲太學博士時議太子婚納徵用玉鑿虎皮昭明日禮納徵儼皮鄭注云皮爲庭實鹿皮也晉太子納妃注以虎皮二太原中公主納徵虎豹皮各一此豈謂婚禮不詳王公之羞故取虎豹文蔚以尊其事虎豹雖文而徵禮所不言熊羆雖古而婚禮所不及珪璋雖美或爲用各異今宜準的經誥凡諸僻謬一皆詳正於是參議加珪璋豹熊羆虎皮二元徵中出爲長沙郡丞罷任刺史王蘊之曰卿清貧必無還資湘中人士有須一禮之命者我不愛也昭明日下官忝爲郡佐不能光益上府豈以鴻都之事仰累清風歷祠部通直郎齊永明三年使魏武帝曰使還當以一郡相賞還爲始安內史郡人龔元宜以玉印玉板感

眾前後太守敬之昭明付獄案罪及還甚貧罄武帝曰裴昭明罷郡無宅不知古人誰可比遷射聲校尉九年復北使建武初爲安北長史廣陵太守代還昭明歷郡皆清勤常曰人生何事聚畜一身外亦復何須子孫若不才我聚彼散若能自立不如一經故終身不事產業中興二年卒

州終

右南朝齊二人

賈冠河東襄陵人五代祖弼之晉太元中爲散騎常侍撰姓氏簿狀十八州百十六郡合七百一十二篇甄析士庶無所遺宋王宏劉湛好其書宏每日對千客可不犯一人諱湛爲選曹亦撰百家譜以助銓序焉弼之傳子匪之匪之傳子淵撰姓氏要狀十五篇尤所詣究淵傳子執更作姓氏英賢一百篇又著百家譜廣湛及王儉王僧儒所記執傳孫冠撰梁

國皇太子序親簿四篇

平陽府

柳惔字文通河東解人世隆子好學工製文尤曉音律少與兄悅齊名王儉謂人曰柳氏二龍可謂一日千里儉嘗造世隆宅世隆謂爲詣已徘徊久之及至門爲求悅及惔遺語曰賢子俱有盛才一日見顧今故報禮若仍相造似非本意恐年少窺人嘗預齊武烽火樓宴上善其詩曰惔非徒風韻清爽亦屬文道麗後爲巴東王子晉友隨鎮荊州稱疾還獲免於累遷新安太守免建武末爲梁南秦二州刺史居漢中以應梁武梁初爲太子詹事加散騎常侍先是武帝鎮襄陽惔祖道帝解茅土玉環贈之天監二年元會上曰玉環是新亭所贈邪對曰旣而瑞感神衷臣謹服之無敬上因勅之酒惔去卒爵上曰吾嘗比卿劉越石迺辭卮酒邪罷會封曲江縣

侯上爲詩貽悵曰爾實冠羣后惟予實念功上嘗謂曰朕放
徐元瑜諸子何如悵曰罰不及嗣賞延於後今復見之聖朝
時以爲知言尋遷尙書左僕射年六十卒於湘州刺史謚曰
穆悵度寬博家人未嘗見其喜愠若仁政傳及詩賦弟愷亦
有美譽子昭中書郎襲曲江侯

柳惲字文暢悵弟少有志行好學善尺牘與陳郡謝朓鄰居
深見友愛朓曰宅南柳郎可爲表儀齊竟陵王子良引爲法
曹行參軍累遷太子洗馬父憂去官著述先頌文甚哀麗後
試守鄱陽聽吏屬得盡三年喪署之文教百姓稱焉遂除驛
騎從事中郎梁武帝至建鄴以爲征東府司馬上牋請先收
國籍及遵漢高寬大之義從之遷相國右司馬天監元年除
長史兼侍郎與沈約共定新律惲性貞素以貴公子早有令

名少工篇什爲詩云亭舉木葉下隴首秋雲飛琅邪王融見而嗟賞因書齋壁及白園寫武帝宴必詔賦詩嘗和登景陽樓篇云大液滄波起長楊高樹秋翠華承漢遠雕輦逐風游深見賞美當時共稱再爲吳興太守爲政清靜人吏懷之感疾求解任父老拜表陳請事未施行卒初惲父世隆善彈琴惲奏父曲輒感思嘗以今聲轉棄古法乃著清調論具有條流好醫術盡其精妙上謂周捨曰吾聞君子不可求備至如柳惲可謂具美分其才藝可了十人惲著十杖龜經少子偃宇彥游年十二梁武帝問讀何書對曰尙書又問有何美句對曰德惟善政政在養民衆咸異之尙武帝女長城公主拜駙馬都尉都亭侯位鄱陽內史卒子盼尙陳文帝女富陽公主拜駙馬都尉後主初以帝舅加散騎常侍劾免

以上
解州

裴子野字幾原河東聞喜人昭明子兄黎弟楷綽竝有盛名
當時號四裴子野生而失母九歲祖母殷氏亡泣血哀慟家
人異之少好學善屬文仕齊江夏王行參軍父廢疾請備
至涕泗霑濡父夜夢見其容且召視如夢俄而疾間以爲孝
感命著孝感傳固辭及居父喪墓草爲枯白兔白鳩馴擾其
側梁天監初尙書僕射范雲將表之會雲卒不果子野於樂
安任訪爲從中表獨不至門久之除右軍安成王參軍兼廷
尉正同僚代署名奏不允從坐免或勸言之笑曰雖慙柳季
之道豈因訟以受服終無恨意中書郎范縝未相遇識其爲
人遷國子博士上表讓之有司以資歷非次不爲通後爲諸
暨令不行鞭笞爭者示之以禮合境遂無訟子野常欲繼成
會祖松之宋史業更撰爲宋略二十卷敘事評論多善沈約

歎曰吾弗迷也蘭陵蕭琛亦美其評論曰可與過秦王命分
路揚鑣矣吏部尚書徐勉言之武帝以爲著作郎掌修國史
及起居注敕又掌中書詔詰時白題及滑國由岷山道入貢
莫知所出于野曰漢潁陰侯斬胡白題將一人服虔注云白
題胡名也又漢定遠侯擊虜入滑此其後乎時人服其博識
敕使撰方國使圖廣述懷來之盛凡二十國子野與沛國劉
顯南陽劉之遴陳郡殷芸陳留阮孝緒吳郡顧協京兆韋稜
皆博學深相賞好顯尤推重之長平侯蕭勣范陽張纘每討
論墳籍咸折衷焉居繼母曹氏喪過禮復爲員外郎普通七
年敕撰移魏文受詔立成上召尚書僕射徐勉太子詹事周
捨鴻臚卿劉之遴中書侍郎朱异集璠光殿觀之時並歎服
上曰其形雖弱其文甚壯俄又敕爲書喻魏相元父夜受旨

及五鼓催令速上徐起操筆味爽便就上深嘉焉自是諸符
檄皆令具草子野爲文典而速不尙靡麗制多法古或問其
爲文速者答云人皆成於手我獨成於心選中書侍郎鴻臚
卿領步兵校尉在禁省十餘年默靜自守未嘗請謁所得俸
悉給外家中表借官地二畝起茅屋數間妻子恆苦饑寒以
教誨爲本子姪若奉嚴君深信釋教終身飯麥食蔬中大通
二年卒遺命務存儉約上爲之流涕贈散騎常侍卽日舉哀
賜諡貞子異數也子野少集註喪服續裴氏家傳各二卷鈔
台後漢事四十餘卷又敕撰衆僧傳二十卷百官九品二卷
附益謚法一卷方國使圖一卷文集二十卷並行於世又欲
傳齊梁春秋事未就卒及葬湘東王爲墓誌銘陳於藏內邵
陵王又立墓誌埋於羨道羨道列誌自此始子騫通直郎

州

右南朝梁四人

王劭字君懋太原晉陽人松年子少沈默好讀書齊尚書僕射魏收辟參開府軍事累遷太子舍人待詔文林館時祖孝徵魏收陽休之等嘗論古事有所遺亡討閱不能得劭具論所出取書驗之一無舛誤由是人稱博物隋初授著作佐郎母憂在家著齊書爲內史侍郎李元操所奏上遣收其書覽而悅之起爲員外散騎侍郎修起居注劭以上古有鑽燧改火之義近代廢絕上表請變火從之屢言符命寵錫日隆時黃鳳泉得二白石頗有文理遂附其文以爲字於是採人間歌謠引圖書織繡依約符命拈撫佛經撰皇隋靈感誌合三十卷奏之上令宣示天下大業中遷祕書少監卒於官劭在著作將二十年專典國史撰隋書八十卷多錄口敕又採不

經語初撰齊志爲編年體二十卷復爲齊書紀傳一百卷及平賊記三卷又指摘經史謬誤爲讀書記三十卷時人服其精博

王元規晉陽人少孤隨母依舅居臨海郡時年十二有富室劉貞欲妻以女母因子弱欲結強援元規泣請曰因不失親古人所重豈得久安異壤輒婚匪類母感其言而止從師授業十八卽通諸書舉高第除安成王記室參軍東宮引爲學士授禮記左傳除尚書祠部郎每國家議大禮常參預焉在江州四方從學甚衆入隋仕至秦王府東閣祭酒著春秋發題辭及義記十一卷春秋左傳音三卷禮記音二卷孝弟義記二卷載經籍志

王頰字景文祁人僧辨子年數歲入關少好游俠二十始勤

學累載遂徧通五經究其旨趣解綴文善談論周武帝引爲
露門學士每有議決多賴所爲好讀諸子又曉兵法益有縱
橫之志隋開皇五年授著作佐郎尋令於國子講授上親釋
奠論難孝經詞義蜂起國子祭酒元善見屈上大奇超授國
子博士後坐事配防嶺南數載授漢王諒府諮議參軍王甚
禮之諒舉兵數進奇策諒不能用楊素至蒿澤將戰頰謂其
子曰氣候殊不佳兵必敗汝可隨從我旣而自殺頰撰五經

大義三十卷集二十卷

以上太原府

薛冑字紹元汾陰人端子少聰明每覽異書便曉其義常以
意辯訓注諸儒稱善性慷慨志立功名周明帝時襲爵文城
郡公隋初三遷爲兗州刺史繫囚數百旬日盡剖囚圖空虛
有陳州人向道力僞作高平郡守將之官冑遇諸塗察其有

異將留詰之司馬王君馥固諫部人徐俱羅先任海陵郡守
道力亦嘗代之君馥以俱羅所陳又固請胄竟遣收道力懼
而引僞其發奸摘伏皆此類也時人謂爲神明宛州城東沂
泗二水合而南流汎濫大澤中胄積石堰之決令西往陂澤
盡爲良田又通轉運百姓賴之號爲薛公豐稷嘗撰封禪
圖及儀上之上謙讓不許轉郢州刺史有惠政後拜衛尉卿
轉大理卿持法寬平名稱職遷刑部尙書雪左僕射高潁罪
正議其獄忤旨械繫出檢校相州事甚有能名漢王諒遣將
蔡良逼磁州良又引兵攻胄胄婉辭卻之良釋去朝廷以胄
有二心坐鎮詣大理相州吏人素懷其恩詣闕理胄者百餘
人諷防嶺南卒子筠獻並知名府

渝州

柳晉字願言河東人暉之子也僞居襄陽少聰敏解屬文好

讀書所覽將萬卷仕梁著作佐郎後爲齋管侍中領國子祭
酒吏部尚書梁國廢拜開府爲內史侍郎轉晉王諮議參軍
王招引才學士晉爲之冠以師友處之文什必令潤色王作
歸藩賦命爲序詞甚典麗初王焜文敬庾信體及見習後文
體遂變仁壽初引爲東宮學士甚見親重有所顧問應答如
響以其好內典令撰法華元宗二十卷上之賞賜優洽大業
中拜祕書監封漢南縣公上退朝後便命入閣言宴諷續終
日而罷或與同榻共席恩比朋友猶恨不能夜召乃命刻木
偶人像晉月下對欵輒令宮人置於座與相酬酢以爲歡笑
從幸揚州卒傷惜久之贈大將軍諡康撰晉王北伐記十五
卷有集十卷行於世

柳莊字思敬河東解人靖弟少有器量博覽墳籍兼善辭令

濟陽蔡大寶有重名於江左時爲岳陽王蕭詵諮議見莊歎曰襄陽水鏡復在於茲遂以女妻之俄而詵辟爲參軍及詵稱帝累遷鴻臚卿梁國廢仕隋授開府儀同三司除給事黃門侍郎莊明習舊章雅達政事凡所駁正帝咸稱善十一年徐璿等反於江南詔莊以行軍總管長史隨軍討之璿平授饒州刺史甚有能名卒於官

以上解州

裴政字德表河東聞喜人高祖禱孫從宋武帝徙壽陽歷前軍長史廬江太守祖暹梁侍中左衛將軍豫州大都督父之禮廷尉卿政幼敏博聞強記達於時政年十五辟邵陵王府法曹參軍事轉起部郎枝江令湘東王召爲宣惠府記室尋除通直散騎侍郎加壯武將軍帥師隨王琳討侯景擒賊帥宋子仙旋爲先鋒入建業以軍功連最封夷陵侯復副王

琳拒蕭紀破之於硤口加平越中郎將鎮南府長史周師圍
荊州琳自桂州來赴難政請從間道先報至百里州爲周人
所獲蕭督悅之鎖送至城下使謂元帝曰王僧辯已自爲帝
王琳不復能來政許之旣而告城中曰援兵大至各思自勉
吾被擒當碎身報國監者聳其口終不易辭嘗命趣行戮蔡
大業諫曰此民望也若殺之則荊州不可下矣因得釋會江
陵陷送闕中周文帝聞其忠授員外散騎侍郎引事相府命
與盧辯依周禮建六官尋授刑部下大夫轉少司憲政明習
故事又參定周律部案盈儿剖決如流用法寬平囚犯極刑
者許妻子入獄就之皆曰死無所恨又善鐘律嘗與長孫紹
遠論樂宣帝時免隋開皇元年轉率更令加上儀同三司詔
與蘇威等修定律令政採魏晉刑典下至齊梁沿革輕重取

其折衷同撰著者十餘人皆取決於政進散騎常侍轉左庶
子多所匡正東宮大事皆委之通事舍人趙元愷作辭見帳
未成適太子有事召元愷劉榮語元愷云但爾口奏不許造
帳及奏太子問曰名帳安在元愷以榮所教對卽詰榮榮諱
無此語付政推問附榮者言政欲陷榮太子召政責之政奏
曰凡推事有兩一察情一據證審其曲直以定是非臣察劉
榮位高任重縱令實語元愷蓋是繳介之意計理而論不須
隱諱又察元愷受制於榮豈敢以無端之言妄相點累二人
之情理正相似元愷引左衛將軍率崔蒨等爲證蒨等款狀
悉與元愷符同察情旣敵須以證定臣謂榮語元愷事必非
虛太子稱政平直政好而折人短而退無後言時雲定興數
人侍政數切諫又謂定興曰公所爲不合禮度又元妃暴薨

道路藉藉非令名也願公自引退不然將及禍太子益疏政
出爲襄州總管妻子不以官秩奉散給僚吏民犯罪者悉知
之或竟歲不發至再三犯乃因都會時親案其罪五人處死
流徙者甚衆合境惶懼令行禁止稱爲神明爾後殆無爭訟
卒官年八十九著承聖降錄十卷後高祖追憶日向遣裴政
劉行本在匡弼承華應不令至此子南金膳部郎州

斛斯微字士亮廣牧富昌人也椿子博涉羣書尤精三禮兼
解音律有至性居父喪朝夕共一溢米少以父勳賜爵城陽
邵公大統末起家通直散騎常侍遷太常少卿孝武遷西雅
樂廢缺微博采遺稽諸典故創新改舊方始備焉樂有鐸
于者近代絕此器或自蜀得之皆莫能識微見曰此鐸于也
畢弗信微遂依干寶周禮注以芒筒拊之其聲極清仍取以

台樂天和三年周武以徵經有師法詔令授皇諸子宣帝時
爲魯公與諸皇子咸服青衿行束脩之禮竝呼徵爲夫子儒
者榮之六年除司宗中大夫行內史仍攝樂部進封岐國公
宣帝嗣位遷上將軍大宗伯後指陳帝失上疏極諫不納鄭
譯復請之遂下獄懼不免獄卒張元平哀之以佩刀穿牆送
之出元平被捶拷百數終無所言徵匿於人家遇赦得免坐
除官隋文踐極例復官爵除太子太傅仍詔修撰樂書開皇
四年卒年五十六子該嗣徵所撰樂典十卷兄恢散騎常侍
新蔡郡公子政嗣鄂爾多斯
蒙古部

右隋八人

王珣字伯玉并州祁人方翼子與兄瑱弟瑒以文學稱時號
三王天授初珣及進士第應制科遷藍田尉以拔萃擢長安

尉因進見武后召問刑政嘉之詢其族氏對曰廢后臣姑也
后不悅左遷亳州司法參軍及宋璟輔政薦授侍御史出爲
許州長史歲旱開廩賑民卽自劾元宗赦之累遷工部侍郎
珣嘗爲祕書少監後璿繼職珣終右散騎常侍卒贈戶部尙
書謚曰孝子錡天寶中右補闕殿中侍御史

武甄字平一太原文水人潁州郡王載德子博學通春秋工
文辭武后時隱嵩山中宗復位甄居母喪追召爲起居舍人
丐終制不許景龍二年兼修文館直學士自請抑母黨上言
去歲焚惑入羽林太白再經天太陽虧月犯大角臣聞災不
妄生上見下應信如景禪詩曰唯此文王小心翼翼昭事上
帝聿懷多福陛下天性孝愛戚屬外家恩洽澤濡臣一宗階
三等家數朱輪華轂過許史梁鄧遠甚恩崇者議積位厚者

景速月滿必虧日中則移時不再來榮難久藉昔永瀆之後
王室多難先聖後權故臣家以宗子竊祿疏封今上聖復辟
宜退守園廬乃再假光寵爵封如初高班厚位遂超涯極故
陰氣僭陽河洛汎溢昔王族驕盈梅福上書竇氏專縱丁鴻
進諫且后妃之家恩遇寵深一朝覆沒遂無噍類願思抑損
之宜長遠之策推遠時權以全親親慰勉不許時太平安樂
公主各立黨相詆毀甄上書請悉召近親貴人會宴內殿告
以輯睦中以恩勤斥姦人塞讒路上美其忠切卒不能用初
崔日月自言明左氏春秋諸侯官族它日學士大集日用折
甄曰君文章固耐久若言經則敗績矣甄乃請所疑日用曰
魯三桓鄭七穆奈何答曰慶父叔牙季友桓三子也孟孫至
蒧凡九世叔孫舒季孫肥凡八世鄭穆公十一子內子然及

二子孔三族亡子羽不爲卿故稱七穆子罕子駟子良子國
子游子卬子豐也一座驚服甄問日用曰公言齊桓公楚莊
王時諸侯屬齊若楚凡幾平公靈王時諸侯屬晉楚凡幾晉
六卿齊楚執政幾何人日用謝曰吾不知君能知乎甄條舉
始末無留語日用曰吾請北面閱坐大笑後宴兩儀殿以胡
人何懿等歌言淺穢因上書言大饗羣臣不容以倡優蝶狎
虧汙朝典不納元宗初貶蘇州參軍徙金壇令旣謫而名不
衰聞元末卒孫元衡儒術

王翰字子羽并州晉陽人少豪健恃才及進士第張嘉貞爲
長史偉其人厚遇之張說至禮益加復舉直言極諫調昌樂
尉又舉超拔羣類說輔政召爲祕書正字擢通事舍人駕部
員外郎說罷出爲汝州長史徙仙州別駕口與才士豪俠飲

樂游收伐鼓窮歡貶道州司馬卒有集十卷

路敬舒并州人少好學盡孝居喪依廬三年尤明姓系以譜
學名家

王維字摩詰本太原祁人後居河中九歲知屬辭與弟縉齊
名開元初擢進士調大樂丞坐累爲濟州司倉參軍張九齡
擢右拾遺歷監察御史母喪毀幾不生天寶末爲給事中及
西狩維爲賊得以藥下利陽瘖祿山迎置洛陽迫爲給事中
時大宴凝碧池悉召黎園諸工合樂賦詩悼痛云萬戶傷心
生野煙百官何日更朝天秋槐葉落空宮裏凝碧池頭奏管
絃賊平下獄或以詩聞行在縉請削官贖維罪肅宗亦自憐
之下遷太子中允久之遷中庶子中書舍人復拜給事中轉
尚書右丞縉爲蜀州刺史未還維自表已有五短縉五長臣

在省戶籍遠方願歸所任官放田里使籍得還京師久乃召
籍爲左散騎常侍上元初卒年六十一贈祕書監雜工草隸
善畫名盛於開元天寶間甯薛諸王待若師友寶應中代宗
詰籍曰朕嘗於諸王座間雜樂章今傳幾何遣中人王承華
往取籍真集六卷文四卷上之

王之渙并州人兄之咸之賁皆有文名天寶間與王昌齡崔
國輔鄭昉聯唱迭和名動一時

唐次宇文編并州晉陽人憲裔孫建中初及進士第歷侍御
史實參數薦之改禮部員外郎出爲開州刺史韋皋鎮蜀表
爲副使論罷之次爲辯謗略三篇上之改夔州刺史憲宗立
召還授禮部郎中知制誥終中書舍人憲宗嘗覽辯謗略善
之謂學士沈傳師曰凡君人者所宜觀省然編次錄未盡卿

可廣其書傳師等增爲十卷更號元和辨謗略

唐彥謙字茂業次孫咸通時舉進士十餘年不第乾符末攜家避地漢南中和中王重榮鎮河中辟從事光啟末貶漢中掾曹楊守亮鎮興元署判官累官至副使終四壁二州刺史彥謙博學多藝文詞壯麗書畫音樂胥出輩流號鹿門先生

集三卷

劉縱陽曲人陳許軍節度使昌裔子爲光祿主簿學於樊宗師士大夫多稱之

王垣太原人韓愈送垣序曰太原王垣示予所爲文好舉孟子之所道者與之言信悅孟子而屢贊其文辭其爲愈所稱如此

王彥威其先太原人少孤貧力學舉明經甲科淹識古今典

禮求爲太常散吏卿知其經生補檢討官彥威采獲隋訖唐沿革禮條次彙分號元和新禮上之拜博士憲廟歲山陵事議用十二月下宿建言高祖中宗六月太宗四月高宗九月睿代二宗皆五月德宗十月順宗十月惟元肅二宗皆十二月有爲爲之非常典也且卜歲暮則畢祔在明年正月是改元慶賜皆廢矣詔更用五月李夷簡言憲宗功高宜稱祖穆宗下其議彥威奏宜稱宗制可時祔主畢又還告太極殿彥威以爲不可執政怒坐祝辭誤奪俸削階終不回屈後累擢司封郎中宏文館學士諫議大夫爲勘定淄青十二州兩稅使差量纖悉人不爲煩還兼史館修撰與平民上官興殺人亡命吏囚其父興自首請罪議減死上言殺人者死百王共守原而不殺是教殺人有詔貸死彥威詣宰相據法爭下遷

河南少尹俄改司農卿雅善李宗閔進拜平盧節度使閔成
初召爲戶部侍郎判度支嘗見文宗顯奏曰臣按見財量入
以爲出隨色占費終歲用之無毫釐差假令臣一旦迷遇欲
自欺沒亦不可得因上占雒圖又爲供軍圖上之以停務貶
衛尉卿俄檢校禮部尙書爲忠武節度使毀山房三千餘所
盜無所容徒節宣武封北海縣子性彊敏善著書多行於世
卒贈尙書右僕射諡曰靖

王仲舒字宏中并州祁人少客江南與梁肅楊憑游有文稱
貞元中賢良方正高第拜左拾遺德宗欲相裴延齡與陽城
交章言不可後入閤帝顧宰相指曰是豈王仲舒邪俄改右
補闕遷禮部考功員外郎奏議詳雅省中伏其能坐累爲連
州司戶參軍後母喪解服除爲婺州刺史州疫旱人徙死幾

空居五年里閭增完就加金紫服徙蘇州隄松江爲路變屋
瓦絕火災賦調嘗與民爲期不擾自辦穆宗立每言仲舒之
文可思最宜爲誥有古風召爲中書舍人既至視同列率新
進少年居不樂曰豈可復置筆硯於其間哉吾久其外周知
俗病利得治之不自愧宰相間之除江西觀察使初江西榷
酒利多佗州十八民私釀穀數斛易斗酒仲舒罷酤錢九十
萬吏坐失官息錢五十萬悉產不能償仲舒焚簿書脫械不
問水旱民賦不入歎曰我嘗減燕樂他用可乎爲出錢二十
萬代之卒於官年六十二贈左散騎常侍諡曰成仲舒尚氣
概所居急民廢置自爲科條初若煩密久皆稱其便

溫岐字飛卿改曰廷筠并州祁人彥博裔孫少敏悟工爲辭
章與李商隱皆有名號溫李與賈賈裴誠令狐嵩等蒲飲狎

昵數舉進士不中第思神速多爲人作文大中末試有司廉
視尤謹廷筠不樂上書千餘言然私占授者已八人執政鄙
其爲授方山尉徐商鎮襄陽署巡官不得志去歸江東令狐
綯力鎮淮南廷筠怨居中時不爲助力過府不肯謁後徐商
執政頗右之欲白用會商罷楊收疾之遂廢卒

溫憲廷筠子登進士第光啟中爲山南從事能世其詩學

王景太原人爲司門員外郎萊州刺史能詩

王武陵字晦伯太原人官尚書郎能詩嘗序宿慧山寺詩曰

視富貴如浮雲一歌一詠以紓情性

狄煥字子炎梁公仁傑之後隱於南岳有詩名

王緒太原人僧辨裔孫諱永宿公輔梁書黜陳不帝蕭穎士

佐之著蕭梁史譜及梁不禪陳論以發緒義使光明焉以上太原

府

敬會真平陽人詔舉治易老莊者中書令張說以會真聞賜

衣幣侍讀兼侍講學士終太學博士

平陽府

薛德音汾陰人道衡從子有雋才起家游騎尉佐魏澹修魏史遷著作佐耶東都時軍書羽檄皆出其手

薛元敬汾陰人隋選部郎邁子與收及族兄德音齊名世稱河東三鳳收爲長雛德音爲鸞鸞元敬年最少爲鸞雛武德中爲祕書郎天策府參軍直記室文學館學士時收與房杜處心腹寄元敬謹畏未嘗與房杜申款曲杜如晦歎曰小記室不可得而親不可得而疏後除太子舍人掌文翰號稱職卒於官從弟元超好學善屬文高宗朝以給事中陳當世得失卒贈光祿大夫秦州都督

敬播蒲州河東人貞觀初擢進士第時顏師古孔穎達撰次
隋史詔播詣祕書內省參纂再遷著作佐郎兼修國史從伐
高麗上名山爲駐蹕播謂人曰山所以名天意也其後果然
遷太子司議郎又與令狐德棻等撰晉書大抵凡例皆播所
製也更議法律播曰兄弟雖孔懷之重然比於父子則輕故
生有異室死有別宗今高官重爵本蔭惟進子孫而不及昆
季焉得榮隔其蔭而罪均其罰詔從其議永徽後歷諫議大
夫給事中始播與許敬宗撰高祖實錄訖二十三年坐事出
爲越州長史徙安州卒房元齡嘗稱播陳壽之流乎元齡患
顏師古注漢書文繁令撮其要爲四十篇

韓文汪蒲州人明春秋左氏楊炯汾陰公薛振行狀言振襲
封之年受左傳於同郡韓文汪至天王狩河陽乃廢書而歎

曰國朝豈無良相何得以臣召君文汪異焉

柳沖蒲州虞鄉人楚賢子好學多所研總天授初爲司府寺主簿詔遣安撫淮南使有指封河東縣男景龍中遷左散騎常侍修國史初太宗命諸儒撰氏族志甄差羣姓其後門胄興替不常沖請改修詔沖與魏元忠張錫蕭至忠岑羲崔湜徐堅劉憲吳兢共取德功時望圖籍之家等而次之夷蕃酋長襲冠帶者析著別品會元忠等繼物故至先天時復詔沖及堅競與魏知古陸象先劉子元等討綴書乃成號姓系錄歷太子賓客宋王師昭文館學士以老致仕開元初詔沖與薛南金復加刊竄乃定

山憚河東人善治禮景龍中累遷國子司業帝昵宴近臣及修文學士詔徧爲伎各有所陳皆鄙黷而憚奏無所習惟知

誦詩乃誦鹿鳴蟋蟀二篇未畢中書令李嶠以其近規諷止之上嘉其直下詔褒咨賜服一稱後與祝欽明僻論阿世不能終其守久之復拜國子司業卒

薛稷字嗣通道衡曾孫擢進士第累遷禮部郎中中書舍人與從祖兄曜更踐兩省俱以辭章自名景龍中爲諫議大夫昭文館學士睿宗初在藩喜之以其子伯陽尙仙源公主及踐阼遷太常少卿封晉國公實封三百戶鍾紹京爲中書令稷諷使讓因入言曰紹京本胥吏無素才望今特以勳進師長百僚恐非具贖之美上然之遂改紹京戶部尙書翌日遷稷黃門侍郎參知機務與崔日用數爭事帝前罷爲左散騎常侍歷太子少保禮部尙書上以胡贊功每召入宮中與決事恩絕羣臣竇懷正誅稷亦賜死年六十五初貞觀永徽間

虞世南褚遂良以書顯家後莫能繼稷外祖魏徵家多藏虞
褚書故銳精臨倣結體適麗遂以書名天下

柳芳字仲敷蒲州河東人開元末擢進士第由永甯尉直史
館肅宗詔芳與韋述綴緝吳兢所次國史會述卒芳緒成之
興高祖訖乾元凡百三十篇上元中徙黔中後歷左金吾衛
騎曹參軍史館修撰芳篤志論著不少選忘厭承寇亂史籍
淪缺芳始謫時高力士亦貶巫州因從力士質開元天寶及
禁中事具識本末時國史已送官不可追刊乃推衍義類倣
編年法爲唐歷四十篇多異聞而不立褒貶義例改右司郎
中臬賢殿學士卒

耿湣字洪源河東人寶應元年進士官右拾遺工詩與錢起
盧綸司空曙諸人齊名號大厯十才子集三卷

王顏臨晉人登大曆二年進士後官大理少卿拜御史中丞終虢州刺史顏好古博極羣書王氏白漢以來居河東者名太原鄉安史之亂鄉廢族散顏牒復鄉名而更考得姓始末以示徵信又嘗於正經揭道字爲志於子史揭道字爲翼成五十卷行於世建軒轅黃帝鑄鼎原廟碑銘聞於朝晚年希心自然冥懷陰騭於中條山勗建道靜院自虢州棄官栖息其中李商隱嘗有詩題其院內遺真云

盧綸字允言河中蒲人避安史亂客鄱陽大曆初數舉進士不第元載取綸文以進補閩鄉尉累遷監察御史輒稱疾去坐善王縉久不調渾瑊鎮河中辟元帥判官累遷檢校戶部郎中舅韋渠牟表其才召見禁中上有所作輒使廢和異曰問渠牟盧綸李益何在答曰綸從渾瑊在河中驛召之會卒

綸與吉中孚韓翃錢起司空曙苗發崔峒耿漳夏侯審李端
皆能詩齊名號大厯十才子憲宗詔中書舍人張仲素訪集
遺文文宗尤愛其詩問宰相綸文章幾何亦有子否李德裕
對綸曰子簡能簡辭宏正簡求皆擢進士第在臺閣上遣中
人悉索家笥得詩五百篇以聞

趙匡字伯循河東人師事趙州啖助大厯中以春秋學著名
應洋州刺史

暢當河東人父瓘左散騎常侍代宗時與裴冕賈至王延昌
侍制集賢院終戶部尚書當擢進士第貞元初爲太常博士
昭德之喪詔太常議太子與諸王服制當與博士張薦柳冕
李吉甫請如晉杜預議又貞觀十一年正月以晉王爲并州
都督既命官當已除矣今宜如魏晉制詔宰臣與有司更議

當又言宜酌變爲制及董晉代鄭叔則爲太常卿上諭曰暢
當等請循魏晉故事至論也復以爲果州刺史卒

張涉蒲州人家世儒者涉依國學爲諸生講說稍遷國子博
士能爲文嘗請有司日試萬言時呼張萬言德宗在春宮受
經於涉及卽位之夕召入宮訪以庶政大小事皆咨之翌日
詔居翰林恩禮甚厚自博士遷散騎常侍薦懷州刺史喬琳
琳遂爲相數月以不職罷涉亦見疎俄放歸田里卒

董居中虞鄉人恭惠公晉孫溪子好學善爲詩張籍稱之
楊巨源字景山河中人貞元五年進士爲張宏靖從事由祕
書郎擢太常博士禮部員外郎出爲鳳翔少尹復召除國子
司業年七十致仕歸時宰白以爲河中少尹食其祿終身集

五卷

柳冕字敬叔芳子博學富文辭且世史官父子並居集賢院
懋右補闕史館修撰坐善劉晏貶巴州司戶參軍遷爲太常
博士昭德后喪與張薦議承華宜卒哭除服左補闕穆質請
替而除冕議見用德宗親郊重慎祠事冕以吏部郎中攝太
常博士與薦等修飭儀矩上疑郊廟每升輒去劍履及象劍
尺寸祝語輕重冕據禮以對本末詳明上嘉異之以議論勁
切執政不喜出爲婺州刺史十三年兼御史中丞福建觀察
使上表乞代且推明朝覲之意表累上許遷卒贈工部尙書
薛放河中寶鼎人戎弟端厚寡言第進士累擢兵部郎中穆
宗爲太子拜侍讀及卽位參贊機命上謂曰先生宜相以輔
不逮放叩頭曰臣庸淺不足應大任自有賢能處之上美其
誠進工部侍郎集賢學士寵待尤至改刑部侍郎上嘗問經

史放曰六經者聖人之言孔子所發明天人之極也史記道成敗得失亦足以鑒然謬於是非非六經比又問六經要指對曰論語六經之菁華也孝經人倫之本也漢時論語首立於學官光武令虎賁士皆習孝經元宗爲注訓蓋人知孝慈則氣感和樂也終江西觀察諡曰簡

呂溫字和叔一字化光河中人潤子從陸質治春秋梁肅爲文章貞元末擢進士第以侍御史副張薦使吐蕃薦卒吐蕃留溫不遣久在絕域不得遷元和元年遷進戶部員外郎溫藻翰精富一時流輩推尙御史中丞薦知雜事宰相李吉甫持之久不報溫等奏吉甫陰事貶均州刺史再貶道州久之徙衡州治有善狀卒年四十四弟恭儉讓恭字恭叔尙氣節喜縱橫孫吳術爲山南西道府掌書記進殿中侍御史終嶺南

府判官儉亦爲御史議太子右庶子皆美材

柳登字成伯芳子綜貫羣書年六十餘始仕元和初爲大理少卿與許孟容等刊正敕格以病改右散騎常侍致仕卒年九十餘贈工部尚書

樊宗師字紹述河中人節度澤子也始爲國子主簿元和三年擢軍謀宏遠科授著作佐郎歷金部郎中蘇州刺史徙絳州治有迹進諫議大夫未拜卒始宗師家饒於財悉散施姻舊賓客妻子告不給宗師笑不答然力學多通解著春秋傳魁紀公樊子凡百餘篇別集尙多韓愈稱宗師議論平正有經據嘗薦其材云

郭周藩河東人元和六年進士能詩

柳璵字德輝芳孫寶歷初第進士宏詞三遷監察御史時郊

廟告祭以雜品攝上公璟據開元元和詔書太尉以宰相攝
事司空司徒以僕射尙書師傅攝餘司不及差限請如舊制
從之累遷吏部員外郎開成初爲翰林學士初芳永泰中按
宗正謀斷自武德以昭穆系承撰永泰新譜二十篇璟因召
對帝嘆新譜詳悉詔璟摭摭永泰後事綴成之復爲十篇戶
部供筆札廩料遷中書舍人武宗立轉禮部侍郎璟寬信好
接士稱人之長游其門者他日皆顯於世會昌二年再主貢
部坐貶信州司馬終彬州刺史

盧簡辭字子策綸子與兄簡能弟宏正簡求皆有文並第進
士然在帥府入遷侍御史習知法令及事聞舊事實歷中黎
幹子辯請復葉縣故田有司莫能知簡辭曰按幹坐黨魚朝
恩詐賞田皆沒大曆後赦令無原洗之言焯安得冒論不爲

給福建鹽鐵院官盧昂坐贓簡辭窮按得金牀瑟瑟枕大如
斗上曰禁中無此昂爲吏可知矣李程鎮太原表節度判官
入授考功員外郎累擢湖南浙西觀察使以檢校工部尙書
爲忠武節度使徙山南東道貶衢州刺史卒

盧知微字子慕簡能子中進士第登宏詞補祕書省正字蕭
鄴再辟荆南掌書記入遷右補闕出爲饒州刺史以政最聞
累進中書舍人避宋致亂不出僖宗還召拜工部侍郎史館
修撰歷太常卿戶部尙書至太子太師昭宗爲劉季述所幽
感憤卒贈太尉知猷器量渾厚世推爲長者善書有楷法文
辭贈龐子文度亦顯貴

薛逢字陶臣蒲州河東人會昌初擢進士第崔鉉鎮河中表
在幕府鉉相引爲萬年尉直宏文館歷侍御史尙書郎持論

颯切以謀略高自標顯劉瓌當國有薦逢知制誥者瓌狠言
逢未試州執不可乃出爲巴州刺史有詩微辭譏訕楊收收
銜之復斥蓬縣二州刺史收罷以太常少卿召還歷給事中
又以詩警王鐸遷祕書監卒集十卷子廷珪進士及第
聶夷中字坦之河東人咸通十二年進士官華陰尉詩一卷
五代馮道嘗誦其詩爲求治者告焉

王駕字大用河中人太順元年進士仕至禮部員外郎自號
守素先生集六卷

獨孤申叔字子重河中人以博學宏詞爲校書郎

薛昭緯河東人保遜子乾甯中爲禮部侍郎貢舉得人文章
秀麗爲崔允所惡出爲碭州刺史卒

薛勝河東人嘗作汜河賦詞致瀏亮爲時所稱子存誠

盧汝弼簡求子盧氏世名家汝弼多知唐故事工書畫文辭
亞於李襲吉天祐三年代爲河東節度副使莊宗嗣晉王承
制封拜官爵皆出汝弼十八年卒莊宗卽位贈兵部尙書上

蒲州府

苗發壺關人晉卿子與河東盧綸耿漳諸人皆能詩齊名號

大厯十才子

潞安府

宋令文汾州人高宗爲東臺詳正學士富文辭且工詩有力
絕人世稱三絕都下有牛善鬪人莫敢撻令文直往拔取角
折其頰殺之子三之間以文章起之悌以躡勇聞之邈精草
隸世謂各得父一絕云

宋之間字延清一名少連偉儀貌雄於辯甫冠武后詔與楊
炯分直習藝館累轉尙方監丞左奉宸內供奉武后游洛南

龍門詔從臣賦詩左史東方虬詩先成后賜錦袍之間俄頃
獻后覽之嗟賞更奪袍以賜張易之敗貶瀧州朝隱崖州竝
參軍事逃歸洛陽以許張仲之摧鴻臚主簿景龍中遷考功
員外郎下遷汴州長史改越州長史頗自力爲政窮歷剡溪
山置酒賦詩流布京師人人傳諷睿宗初流欽州賜死魏建
安後汜江左詩律屢變至沈約庾信以音韻相婉附屬對精
密及之周沈佺期又加靡麗回忌聲病約句準篇如錦綉成
文學者宗之號爲沈宋語曰蘇李居前沈宋比肩張說與徐
彥伯曰李嶠崔融薛稷宋之問之文如良金美玉無施不可
彥伯字太拙汾州人會昌六年進士第官蓋屋尉累遷至工
部尚書節度徐州廣明元年徐軍戍浹水經許能以舊軍節
之城中軍懼見龔大將周岌因逐能屠其家能僻於詩日賦

一章集十卷

以上汾州府

柳識字方明解人梁僕射淡六世孫後籍襄州渾兄知名士也工文章與蕭穎士元德秀劉迅相上下而識練理創端往往詣極當時作者服其簡拔渾亦善屬文然沈思不速識云柳中庸名淡以字行河東解人御史并弟與弟中行皆有文名蕭穎士以女妻之仕爲洪府戶曹

柳宗直字正夫解人宗元從父弟也善操觚牘得師法甚備融液屈折奇峭博麗知之者以爲工作文辭淡泊尙古譔漢

書文章爲四十卷

以上解州

王勃字子安絳州龍門人通孫六歲善文辭九歲得顏師古注漢書讀之作指瑕以摘其失麟德初劉祥道巡行關內表於朝對策高第年末及冠授朝散郎數獻頌闕下沛王召贊

府修撰論平臺祕略書成王愛重之時諸王闕難勃戲爲女
檄英王雞上曰是且交搆斥出府勃既廢客劍南嘗登萬憤
山曠望慨然思諸葛亮之功賦詩見情聞虢州多藥草求補
參軍坐官奴曹達事除名父福時出雍州司功參軍左遷交
趾令勃往省度海溺水悸而卒年二十九歲初道出鍾陵九
月九日都督大宴滕王閣宿命其婿作序以夸客因出紙筆
屬請客莫敢當至勃不辭都督怒起更衣遣吏伺其文輒報
一再報語益奇乃矍然曰天才也請遂成文極歡罷勃屬文
向不精思先磨墨數升則酣飲引被覆面臥及寤援筆成篇
不易一字時人謂勃爲腹藁尤善著書與楊炯盧照鄰駱賓
王皆以文章齊名號四傑嘗起漢魏至晉作書百二十篇以
續古尙書後亡其序有錄無書者十篇勃補完缺逸定著二

十五篇嘗謂人子不可不知醫從長安曹元游盡得其要嘗讀易夜夢若有告者曰易有太極子勉思之寤而作易發揮數篇至晉卦會病止又謂自黃帝至漢五運適周土復歸唐唐應周漢不可承周隋短祚乃斥魏晉以降非正統皆五行沴氣遂作唐家千年歷天寶中崔昌采勃舊說上五行應運應請承周漢廢周隋爲閏於是詔以唐承漢廢介鄰公尊周漢爲二王後以商爲三恪焉勃兄勛弟助皆第進士勛勅勃並著才名故杜易簡稱三株樹

王含績之後長於詩文有祖風韓昌黎推重之嘗爲書文以相往來

裴復字茂紹聞喜人諫議刺子十四上時兩詩代宗以爲能將召入爲翰林學士父則請免曰願使卒學丁後母憂上使

臨弔又詔蚪曰父忠而子果孝吾加賜以勵天下終喪必且
以爲翰林後歷官河南少尹以恭儉守其職居喪必有聞待
諸弟友以善教館養妹畜孤甥能別而有恩歷十一官而無
宅於都無田於野無過資以爲葬

裴說聞喜人天祐三年進士官終禮部員外郎詩一卷行世
弟諧同年進士終桂嶺攝令亦能詩

右唐六十一人

又九人
詩見

山西通志卷一百五十四